



Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

§. IV. Quænam opponi possint exceptiones adversùs Iv & V. Sessionem Concilij Constantiensis, casu, quo sub earundem Decretis prætentia fuisse Concilij super vero & indubitato Papâ superioritas & ...

urn:nbn:de:hbz:466:1-38717

protendi valeat super Papæ auctoritate Oecumenicâ, quin potius ista super illius tam actuacione, quam exercitio morali extendatur. Quamdiu ergo Concilium constat ex solis Episcopis, quantumvis ex toto Christiano Orbe essent convocati, nequit dici perfectè Oecumenicum, seu Generale, nisi vel materialiter duntaxat, vel secundum quendam adhuc incompletam formalis generalitatis, quâ characteri Episcopali inexistentis, sed quoad sui actuacionem & moralitatem omnimodam supremo Ecclesiæ Capiti Romano Pontifici subordinatae denominationem: siquidem ex Matth. 18. cap. sibi jam fuerit ostensum, quodneque prima Concilij Oecumenici convocatione subsistat, nisi ex vicario Christi Nominis, Papæ in terris proprio, neque præminentia consummatae in fidei dogmatibus decidendi infallibilitatis habeat locum, nisi ad Hierarchici Ecclesiæ Corporis Decretum Conciliare accedat Capitis confusione: neque indefinite, Papali auctoritatibz compar, ligandi & solvendi potestas Apostolis collectivè lumpis, nempe quâ Ecclesiâ Hierarchicam representantibus, pro perpetuo Ecclesiæ statu promissa, competere possit Concilio, nisi quâ indissolubilitate & Papam, & Apostolorum in Episcopali charactere Successores in unâ Synodo collectos complectenti. Quam parum proinde corpus organicum hominis dici potest humanū nisi materialiter & dispositivè, quamdiu ipsi deicit anima, seu forma in Esse humani corporis essentialiter ac formaliter constitutiva: sic neque Concilium potest denominari complectè ac formaliter Oecumenicum seu Generale, nisi Ecclesiæ Corpus Hierarchicum ex Episcopis ac Præsulibus in Synodo aggregatis consistens, sit unitum Romano Pontifici, seu suo & sanctæ Ecclesiæ Capiti universalis atque Oecumenico. Quandoquidem igitur Concilii Constantiensis pro statu schismatis, & Papæ dubij perinde habendum fuerit, ac si nullus eidem interesset verus Papa, in facie sanctæ Ecclesiæ preferens characterem Capitis Oecumenici, imò tempore quarta & quinta Sessionis Constantiensis ne dubij quidem Papæ charactere intervenerit, quin id nequidem Episcopi dubiorum Paparum obedientijs diversimodè addicti, universi ibi praesentes extiterint: meritò jam scilicet iacet, quomodo pro tali statu Synodus illa uti potuerit titulo Generalis Concilij, nisi quoad generalitatem quasi materialē, & incompletē duntaxat formalem, quâ Episcopali charactere insignitam, subsistentem pro tunc sub statu tenditam, tum ad omnimodam integratatem materialē ex duorum Paparum obedientijs coadvertiscandam, & cum Ioannis XXIII obedientiā postea coadunandā, tum ad perfectam ex Papâ certo sufficiendo, sive que Conciliaribus Decretis accessu substitutam formalem generalitatem. Sub eisjusmodi adeò restringitione, poterat Synodus Constantiensis pro eo statu dici representans Ecclesiam Catholicam militantem, quatenus clyct Ecclesiæ Hierarchicum, sed adhuc incompletum, & Capite certo defititum, Corpus representabat, sub ordine tenditam ad istam sui ex Capite integratatem recuperandā.

ex pag.
258. n.
60.

J. IV.

Quenam opponi possint exceptiones adversus IV. & V. Sessionem Concilij Constantiensis, casu, quo sub earundem Decretis praetensa fuisset Concilij super vero & indubitate Papâ superioritas & auctoritas, maxi-
me coercitiva?

Sub prædicta hypothesi excipi posset pri-
mo adversus Decreta Sessionis IV. & V. Constantiensis, non fuisse in iis servatam for-
mam Concilij à Christo constitutam, nec a. 299. ex 17.
dēs Christum unā cum Spiritu sancto eidem n. 44.
adstituisse. Etenim Christus Matth. 17. Apo-
stolos missurus ad docendas omnes Gentes,
v. 20. eidem promisit: Et ecce ego roboscum
sum omnibus diebus usque ad consummationem a-
culi. Hæc igitur assistentiæ Christi promissio
noscitur esse annexa characteri Apostolico
usque ad consummationem æculi in Ecclesiæ
permansuro. At ea Christi promissio est ipsi-
simæ illæ, quam Christus iterum ad mortem,
Iohann. 14. v. 16. fecerat eidem Apostolis:
Ego regabo Patrem, & alium Paracclitum dabit
vobis, ut maneat roboscum in æternum, spiritum
veritatis. Ita proinde Spiritus sancti assisten-
tia ex Christi orationis efficacia in æternum
persistit catenus in Apostolis, quatenus sem-
per est annexus characteri Apostolico. At
verò iste character Apostolicus, non constituit
in prædicto charactere Episcopali, sed in indi-
viduali ligandi & solvendi auctoritate; prout patet
ex Matth. 18. cap. Neque verò iste Apostolicus
indefinitè ad ligandum & solvendum potestatis
character, iuxta dicti capituli 18. sacrum con-
textum, repperitor in aliquo Ecclesiastico
Concilio, nisi sit aggregatum in Nominis
Christi, quod Christi nomen unicè præferat
Apostolica Christi vicaria auctoritas. Atqui
sublatis Apostolis, cum solius Petri Aposto-
lica in terris superius auctoritas, neque verò
ista Apostolica auctoritas, saltem anteceden-
ter ad Concilij Oecumenici aggregationem
reperiatur in ullo, nisi in Petri successore
Romano Pontifice, evidenter hinc redditus
notum, non posse Oecumenicum Concilium,
cui Christi ac Spiritus sancti assistentia sit Divi-
nitatis reprobatio, ullatenus intelligi, nisi Petri
tri, ejusque successoris Apostolica interven-
iat auctoritas. Positâ igitur eâ hypothesi, quod
Sessionis V. Constantiensis Congregatio sibi
pro tune vendicasset auctoritatem ejusmodi
Apostolica ab absque ullius Papæ intervenientem,
atque adeò cum exclusione characteris A-
postolici, prætentendo scilicet Concilij ace-
phali super Papâ superioritatem: nequivislet
sanè pro eo statu habuisse illam à Christo
promissam sui ac Spiritus sancti assistentiam:
cum reverâ ex nullo Evangelij apice possit
vel umbra afferri ad probandum, quod char-
acter Apostolicus indefinitam ligandi & sol-
vendi potestatem præferens, convenia Syn-
odo non insignitæ Christi vicario, soli Petri
successori proprio, Nominis. Et hinc mirum
non est, tot tumultibus agitatum fuisse V.
principiū Synodi Constantiensis Sessionem, si
con-

contrariam se gesserit erga characterem Apostolicum, sub quo noscitur Concilio Ecclesiastico promissus Spiritus sanctus, una cum Christi & Patris Aeterni assistentiâ.

Sub praesupposta hypothesi excipi potest secundum Sessionis V. Congregationem Constantiensem in eo le posuisse statu, ut ne quidem materialiter & dispositivè dici posset Generalis ac Oecumenica Synodus. Explicatur. Confitatur namque ab initio hæc Synodus ex Episcopis Ioannis Papæ dubij XXIII. Obedientia addictis, ad providendum Ecclesie de certo Capite in Concilium aggregatus, Sub hoc statu ipsimet characteres Episcopales in unum collati ex intrinsecâ naturâ suâ faciebant Synodo potestatem super Papis dubijs, ubi ad schismatis extinctionem id opus foret, etiam deponendis, & propiciando de unius indubitate Pontificis suffectione, uti ex antecedentibus constat. Quæ nihilominus Synodus intenta erat de Papis dubiis removendis per spontaneam renuntiationem, sicque erat in statu tendentia ad characterem Apostolicum, ex Papa certi electione sibimet conjungendum, poteratque adeo tunc dici dispositivè & materialiter Generalis, utpote habens aptitudinem ad Concilij Occumentici formalem ex Papa postea eligendo characterem obtinendum.

Verum ubi Ioannes XXIII. Constantiâ a fugerat, non attento, quod iteratò promisisset renuntiationem, Synodus illa descendit non solum ad auctoritativum processum contra illum Papam dubium, sed uti pars adversa prætendit, ad Decretum Concilij super Papam quoque certum superioritatis definitum. In quo adeo statu ea Synodus se posuit in statu contrario erga characterem Concilij, quæ Oecumenici formaliter constitutum.

Probatur istud subsumptum. Si namque Adversarij totum evolvant Evangelium, non poterunt ullum assignare apicem, qui secus ac Matth. 18. est traditum, statuat Concilij Oecumenici characterem, ex alio quam Christi Nomine vicario confitentem. Neque vero dicere fas est, Apostolicam auctoritatem Christi Nomen præferentem, ac sub indefinitâ ligandi & solvendi potestate confitentem, ex ullo Apostolorum, si dirissim spectentur, transiisse in aliquem successorem, unico Petro excepto, cui claves Regni cœlestis cum ordine ad perpetuum Ecclesiæ statum, adeoque cum jure successionis sunt collatae. Quæ vero indefinita ligandi & vendi potetas Apostolis collectam sumptis, quæ Ecclesiam Universalem representantibus ac Matth. 18. est promissa, noscitur ex sacro contexto non aliter subsistere, nisi Concilium fuerit congregatum in Nomine Christi vicario, antecedenter se habente ad Concilium: quippe cum istud debeat convocari per hoc Christi Nomen vicarium unice jam subsistens in Petri successore. Quia igitur secundum praesuppositam hypothesim Congregatio illa Constantiensis in Sessione V. adversus istum Petri successoris proprium characterem se opoluit ei, qui est Christo immediatus & proxi-

mus vicarius, superponendo characterem Christo immediatorem, indeque adeo superiorum, dum nempe statuit Concilij super Papa superioritatem: idcirco Synodus illa nequibat pro tunc permanuisse in statu etiam materialiter duntaxat, ac dispositivè Occumenti Concilij, quamvis postea non ad istum solummodum statum redierit, sed tandem ex accessu Pontificis Martini V. pervenerit ad statum Synodi complete ac formaliter Oecumenica, subsistentis scilicet ex vicario Christi charactere, illi ex tunc certo Papæ inexistente.

Juxta præfamatam hypothesisin excipi potest tertio. Pro statu V. prædictum Sessionis se protendentis ultra schismatis statum, atque Concilij super Papâ etiam certo superioritatem decernentis, non potuisse tunc in Synodo Constantiensi Ecclesiam Universalem sufficienter, ac perfectè representatam fuisse. Explicatur ac in primis ostenditur, stante illâ hypothesisi, ne materiali quidem generalitatem pro statu V. Sessionis habuisse locum in Concilio Constantiensi, atque adeo istud haud fuisse sufficienter representativum Ecclesia Universalis, etiam quoad accephalum illius Corpus Hierarchicum. Cum equidem Christus Matth. 18. disertis verbis sit contestatus, se in medio eorum fore, ubi duo vel tres in nomine suo congregati fuerint; clarè hinc evincitur, Concilij Oecumenici generalitatem constare posse ex paucioribus quidem Præsulibus Ecclesiasticis, modò isti congregati fuerint in nomine Christi ad totum Orbem Christianum se protendente. At neque convocatione ista, neque aggre-gatio Præsulum Ecclesiasticorum, pro Synodo Constantiensi prætendi potest esse facta sub certo Christi vicario charactere. Unde quia hic character incertus, vel etiam nullus fuit in Ioanne XXIII. convocate Synodum Constantiensem, nequibat hinc Ecclesia certificari de statu Oecumenici Concilij. Non poterat igitur ea Synodus in facie Ecclesiæ haberi quæ Generalis, nisi dispositivè fortassis & materialiter, non aliter tamen, quam sub respectu ad indubitatum Christi vicarium characterem, foli Papæ certo secundum prudentias evidentiâ inexistere possibiliem.

Etsi vero ipsorum etiam Præsulum characteres Episcopales in unam Synodum Constantiensem collati ex suo transcendentali ad Ecclesiæ regimen ordine, atque adeo ex sua connata ad certum Ecclesiæ Caput habitudine & ordinatione intrinsecâ, jam fundarint materialē quandam Concilij generalitatem, sub statu tendentia ad certi Papa characterem obtinendum ordinata: hæc ipsa tamen generalitas materialis pro eo etiam statu, qua Synodus Constantiensis supra Papam certum contendebat se efferre, necdum complectebatur Episcopos ac Præsules, Benedicti XIII. & Gregorij XII. obedientiam professos. Quæ integritas materialis in Concilij Constantiensi V. prædictum sessione tanto magis decrecebat, quod ex ipsa etiam Ioannis XXIII. obedientia, quamplures Patres, in contra-

rium

rium protestari fuerint. Imò dum Congregatio ejusmodi à charactere Concilij Oecumenici formaliter constitutivo, vicario scilicet Christi nomine se alienum ostendebat, ex tunc proflus deficiebat Conventus illius ordo & habitudo ad characterem Christi vicarium, siquidem iste per essentiam suam non admittat auctoritatem Christo immediatorem, atque adeò se majorem; sive proinde sanctità Concilij super Papam auctoritate, jam abiecietur ille vicarius Christi charactere. Unde quando prædictæ Sessionis V. Congregatio Constantiensis, neque reliquarum duarum Obedientiarum Patres, neque plures ex Ioannis XXIII. Obedientiis Praefules, utpote in contrarium protestantes complexa est, sed infuper deligit esse in tendentia ad sui complementum formale & substantificum, ex immunitate Christi vicario charactere, solius Papæ proprio, sibi adsciscendum: omnino consequens est, tunc ne quadam materialem quidem hierarchici Corporis generalitatem fuisse ilam Synodus Ecclesie universæ sufficiens representativam.

<sup>ex pag.
306. n.
73.</sup> Pro quanto ostenditur præterea, stante prefata hypothese in statu Sess. V. Synodo Constantensi longè magis defuisse formalem generalitatem, atque adeò vim Ecclesie Universalis sufficienter & completere representativam. Etenim Concilium Oecumenicum venire nomine Ecclesie, dicere debent illi universi, qui asseverant, ipsi appropriari posse illud Matth. 18. *Dic Ecclesie.* Et. Qui Ecclesiam nos audierit, sit tibi sicut ethnicus & publicanus. Num verò sub isto Ecclesie vocabulo in hoc sacri Evangelij textu dicere fas est, intelligi Corpus Ecclesie Hierarchicum acephalice sumptum; an verò qui Capiti suo Summo Pontifici unitum? Certe Ecclesiam, quam nefas est, non audire; esse à Christo condecorataam indefinitā ligandi & solvendi auctoritate Apostolicā, constat ex sacro Evangelico contextu. Ex quo inluper constat, Ecclesiam illam eā pollere præminentiam, ut, si duo inibi aggregati conseruent, super quacunque re, quam petierint, ipsi fore impertendam à Patre cœlesti. Constat præterea ex ejusdem Evangelij contextu, istos duos esse, qui congregantur in nomine Christi, atque adeò tum Praefules hujus nominis auctoritate aggregatos, tum illam, qui præferunt hunc Christi vicarium characterem. Nequit ergo illa in Concilio Oecumenico representative consistens Ecclesia sufficienter ac integraliter subsistere, nisi illi Duo, nempe Corpus Ecclesie Hierarchicum nomine Christi aggregatum, & Caput, vicarium Christi characterem præferens, conjugantur in Generali Concilio. Quia igitur in Concilio Constantensi, juxta hypothesin superiori positam, pro statu præsertim V. Sessionis, erat defectus tam ex parte Corporis Hierarchici, quam ex parte Capitis: imò quia hujus auctoritas suprema, quā Christi vicarium nomen immediatè præferens, tollebatur ē medio; consequens est, Concilium Constantenie pro illo statu non fuisse Ecclesie Universalis sufficienter representativum, ita ut

in ejus medio Christus, unā cum Patre suo Eterno, ac Spiritu sancto adstituisse dici potuerit.

S. V.

In quo sensu juxta Gallicani Cleri Declarationem præsentis articulo secundo positam, auctoritate sint Decreta Sess. IV. & V.

Concilij Constantiensis

Clerus Gallicanus in hoc articulo ita tribuit Apostolice Sedi plenam spiritualium rerum potestatem, ut immota tamē confidere velit sancta Oecumenica Constantiensis Synodi Decreta de auctoritate Conciliorū Generalium, qua Sessione IV. & V. continentur, Cuius lusa assertio rationem videtur in hoc reducere, quod ea Decreta sint à Sede Apostolica comprobata, ipsoque Romanorum Pontificum ac totius Ecclesie usu confirmata, atque ab Ecclesiis perpetuā religione custodita. Reprobant porro Gallicana Ecclesiae illos, qui eorum Decretorum, quali dubia ac minus approbat, sint auctoritatis, robur infringunt. Reijcit denique illos, qui ad solum schismatis tempus dicta Concilii Decreta detorquent, Pro quibus singulis accusatiis expendentes, sequentes hic proponemus, & discutemus q̄stiones.

Prīmō igitur exordiendo à puncto extremo, disquirere lubeat; An Conciliorum Generalium, acephalorum tamen, auctoritas erga prætentum aliquem Papam extendi valat ultra tempus schismatis? Ex antecedentibus constat, dum ex schismate nulla eluet saltētē convincens credibilitatis evidētia, penes quem papatus legitimē subsistat, tunc re ipsa defere conditionem à Christo positam pro clavis Regni celorum obtinētis, siquidem Christus ea verba ad Petrum cum successione ordine prolatā: *Tibi dabo claves Regni Celorum,* annexuerit ad statum, in quo verisimiliter Petri successorem ita esse in Petrā, seu Cathedrā Apostolica, ut super ipsam adficeret Ecclesia. Quia igitur hæc Ecclesie adficiatio constat ex fide, per quam constitutus in Cathedrā Apostolica, credi debeat esse consors illorum Christi verborum, *Tibi dabo claves Regni Celorum;* idcirco, dum propter schismatis constare haud potest, quis legitimus sit Petri successor, seu quem prædicta Domini nostri verba contingent, nequit protinus status ille subsistere, in quo clavium auctoritas Apostolica in vi verborum Christi, alicui de Papatu contendentium reverā sit collata. Ultra schismatis hujusmodi tempus, certum infuper est, cum, qui veros erat Papa, si lapsus sit in heresim, fide Divinā, seu substantiali Ecclesie formā destitutum, desinere esse membrum Ecclesie, adeoque ipso iure Divino non posse jam esse sancte Ecclesie Caput, ipsoque adeò Facto & Iure amittere jus Papatus. Hinc proinde Concilium Generale jam acephalum, dum etiam est probabilitas duntaxat de tali heretico contaminatione, potest super Papam jam dubio facto processum judicari etiā in litigio, cumque de heretico iuridice convictum

anit.